



## Орган Лемковского Союза.

Выходит в каждый четверг.

Редакция и администрация в Крынице. — Адрес „Лемко“ Крыница.



Пренумерата в краю:

50 грошей місячно,  
2.50 зл. полрочно,  
5 зл. рочно.

В Америці: 1 дол. полрочно,  
2 дол. рочно.

В Чехословакии:  
3 кор. місячно, 15 кор. полрочно,  
30 кор. рочно.

Кonto чекове Нр. 404.155.

## Гори имієм сердца!

Праві дволітны стараня наших народных представителей вінчали ся успіхом.

Святійший Отец назначил Апостольским Администратором для Лемковщины нашего края с Новой Веси повіта ново-сандецкого О. Д-ра Василя Масцюха.

Мы витаем Его сердечно!

Не помогли всякы украинскы митарства и клеветы, — наша народна воля, наша тверда, лемковска стойкость, отнесли славу побіду. Тот историчного значеня крок вперед ціла Лемковщина торжественно привітствує.

В почутю вдячности складаме нашу подяку Святійшому Отцу — Папі Римскому и Высокому, Польскому Правительству.

Най не боят ся панове украинцы, же полякы с'їдят тепер Лемковщину, же мы лемкы стратиме свей народный облик, же як они — украинцы перестанут ся нами опековати, — то забудеме свой род и вынародовиме ся. Ніт! Мы живем с поляками от часов, о котрых мало гварит история, облик наш народный храниме стократ лучше и честнійше, як тоты, што ся недавно украинцями прозвали и в груди нашой непоколюбимо храниме завіты старой, древной Руси, забытой украинцями. Тым тысячлітним именом держал ся наш народ на чудных, лемковских вершках и потоках вірный своему языку и имени. А тымчасом панове, што ся тепер украинцями явуют, руске свое имя прогандльовали на німецько-австрийском ярмарку.

Няньове тых вшитких Левицьких, Коцьловських, Баранов и им подобных не чули о якоїси Україні и звали себе руськими, а много из них самых в моладших літах своего жита признавало ся до руского имени. Язык, котрым старают ся говорити наши панове украинцы, то не язык галицкого народа, а мішанина украинских говоров с нововыванима словами, котрых сами с трудом выучуют ся. Тотое свое новокрещене имя и тот чужий нам язык от 25 роков на силу, без нашой згоды, помимо наших протестов, несди под наши лемковскы стріхы, присланы до нас Австрием украинскы учителя и егомості. Они ватужили всі свои силы выключно в том напрямі, жебы мы так, як и они вырекли ся своего имени и приняли нове украинске крещене. Чим сильнійший был их брутальный натиск, тым твердше мы стояли при своем и устояли. Лемко брыдит ся віроломством

и главным чертом украинской политики. Оден дєв Петлюра, другий — большевики, а натретий зас Деникин. На такую народну честь лемко не способный. Мы вам за вашу опеку красні дякуемє, она принесла нам лем ненависть, злобу, розгром нашого народного жита и руину наших культурных и экономичных организации. Украинска робота на Лемковщину, то робота яничар, што нищили всяке жите и труд своего брата. Выстарчит пересмотрити лем акта розграбленого маєтку кредитного Оства „Надежда“ в Крынице, одно пасмо бездонной злобы и татарских инстинктов, штобы познати их опеку над нашим добром.

А ту плачут и рыдають, то брешут и клеветчут, то воюют и чернят в своих часописах и в Соїмі.

Коли наши смиренны просьбы до гр. кат. консыстории на усмирене дакотрых, просто бішєных егомостей не мали успіха, а народ вмєсто християнского благорозумия, доставал просто штурканца в грудь и коли по такой отправі звернул ся до высших властей о положене конца тым моральным издівательствам, то украинска прєса, послы и егомосці оголосили, же на Лемках праві, же молят ся до Коцьловского, Качмара и инших им подобных и просто обожают вшитко, што пахне Украиньом. Лем интрыга польска и килька давных, священничих родин, котры не хотят поддати ся украинскому духови, противлят ся украинизации Лемковщины. Яко таких вычислено Дуркетов, Хиялков, Копыстьянских, Сембратовичей, Гнатьшаков и т. д. Таж с родин тых ніт на Лемках кромі одного, двоух — уж никого. Много с них померло до тюрямах и Талергофах, инших по великих перєслїдованях перенєсла украинска консыстория близко под свое перємышльске око и уж от 20-тох роков из всіх 200-проповідальниц трубит ся нашому народу о Україні. И диво! тот народ без своих духовных пастырей, праві без жадного интеллигента, держит ся крїпко своего имени. Идейно отстаи лем слабы единицы, зависимы от егомєстєя. Тому пожичка с церковной касы, тому яличка, тому кавалок грунту в державу. Так ширила ся Украина по наших селах.

Маєме однак полну надію, што тепер наше чисте, горске, лемковске повітре очистит ся от украинской задухы. Віримє, же наш Владыка возме свой народ в опеку и буде для

него добрым отцом и братом, Народ наш честный, спокойный и трудолюбивый желает мирного труда для своего культурального и экономичного развития. Отже в добрый час до общей работы призываемє всіх охотных и тых, што ведены на блудны дороги, колебали ся под дуянем украинского вітра, нехай вернут и твердом ногом станут на нашом лемковском пути! Гори имієм сердца!

## Апостольский Администратор буде жити в Сяноку.

Довїдуемє ся, што Лемковский, Апостольский Администратор О. Д-р Вас. Масцюх начне свои чинности ище перед Рождеством и есяде тымчасово в Сяноку, где приготовлено для него провизорично помещение.

Дїло его сталого жительство будє рішенє по порозумденю с номинатом.

Вся Лемковщина радує ся своим Владыком! Встрїтме же Его с любовью и достоинством, с яким всдрїчали наши отцы и діды наших родимых, русских Владык, — Пелешей, Сембратовичей — котры свой род с наших лемковских гор выводили.

## Выкрыто заговор коммунистичный в Болгарии.

От долшого часу приготовляно в Болгарии коммунистичну революцию, до котрой не дошло лем тому, же власти были точно информированы о агитации веденой серед войска и офицеров и петрафили здуєти ю в послїдней хвїді.

Много войсковых приступило до коммунистичной партии и прирєкло поддержати революцию. Комуністы наміряли выкликати бунт в кошарах. Во главї зревольтованых отділов мали станути офицеры-комуністы. Оперных проектовано арестовати. Бунт мал начати ся в Гасковї.

Тымчасом власти, котры знали о тых приготовлениях, приступили дня 17, грудня до здавления революции. Не обшшло ся без

пролива крови, бо одер отряд войска збунтувал ся. Бунт здушено, але ест много раненых.

В звязи с тым заговором переведено ревизии в миегых домах и арестовано 325 людей, медже нима 175. войсковых.

### Страшна буря на Атлантійском Океані.

От долшого часу на Океані Атлантійском панує так страшна буря, же угрожат она аж и великим кораблям.

Дня 17. грудня т. р. буря ушкодила норвегский пароход так сильно, што не можна было уж и думати о ратунку. Капитан корабля розсылах на всі стороны сигналы о грезном положеню парохода. На ратунок поспішили много пароходы. Перший приіхал на місце английский пароход-цыстерна. Не мог он еднак дуже помочи, бо бояваны морекы были так высоки, же до тонучого парохода не даде ся доплынути. Тот пароход вылял вшитку оливу, яку мал у себе на воду, бо тото усекоюе море. Тото само зрєбили и инши 3 кораблі, котры погедивше надплынули в тото місце и лем потом удале ся американскому кораблю начати спасательну акцию, котра по 10 годинах виччала ся добрым результом, бо цілу залегу разом с капитаном выратовано. Утонул лем сам пароход.

## Справа навоженя азотом и фосфором на весну.

Ціны навозов штучных сут ище все дорогы. Помимо того господар мусит купувати часом штучны навозы, бо без них господарства бы упали. При купні навозов штучных треба однак так их выберати, штобы мати при найменшом вкладі гроша як найбільшу користь.

В житю рєстин найважйшим кормовым складником ест азот, котрый в першой мірі рішат о выдатности плодов. Там где нїт в земді достаточного количества азота, не можна сподівати ся добрых уроджаев.

Навозы природны, огже гной, гнояница и компост містят в собі также азот, але тых навозов ест звычайно мало и перезначаме их лем под дакотры рєстины и то звычайно окоповы. Навозы природны не даеме зрештом, яко дополнене кормовых складников ґрунту, бо найотвітййше и найлекше засилати земді в азот можеме лем навозами штучными.

Понеже чає иде скоро и ами ся не оглянеме, а уж треба буде взяти ся до весняных работ, тому, уважам за отвітне оговорити дакотры навозы азотны и фосфоровы.

С азотных навозов вхєдит в гру передо-всем:

Азотняк высокопроцентный, мієти ай в собі 21% азота и около 50% вапна и Азотняк звычайный, мієтчий в собі 15% азота и 50% вапна

Салітра вапєнна 15% азота и 28% вапна

Салітрак 15% азота и 55% вапна

а надто навозы фосфорово-азотны:

Супертomasына азотнякова 10% азота, 12% фосфоравой кыєлоты и 50% вапна.

Супертomasына высокопроцентна 30% фосфоровой кыєлоты и 42% вапна

и супертomasына 16-процентна, 16% фосфоровой кыєлоты и 30% вапна.

С выше вычисленых навозов Азотняк ест навозом, котрый даеме на ґрунт на 3 до 5 дней перед сїянем або садженем рєстин. По высїяню азотняка треба его легко приборонити. Надає ся на каждый ґрунт за выключенем бара легкых пісков. Нищит грибки рєстины и рджу, не вымыват ся легко с ґрунту, дїєтує поволи и отквашат ґрунт. Салітра вапєнна ест навозом, котрый дїєтує зараз по высїяню, тому даеме ю втотчас, коли видимє, же збожа рєстут слабо. По розсїяню не потребує прикритя земльом. Дїєтує добре и в часі посухы, бо до ей рєспущєня выстарчат роса. Надає ся барє добре до ратованя озимии на весну и до навоженя ярин, коли тоты слабо рєстут. Отквашат также ґрунт. Салітра, высїяна на листкы бураков, хоронит их перед шкєдником, котрый называт ся бурачаний хвєстик.

Салітрак можна сїяти перед рєстинами и по засїєві рєстин, бо он мієтит в собі половину азота, дїєтує поволи и полевину, котрый дїєтує сїєчас так, як в салітрі вапєнной. Дїєтує добре на всіх ґрунтах. По навоженю салітраком перед засїєвом рєстин, треба его приборонити (прикрити земльом).

Сірчан амоневый, около 21% азота, даеме на ґрунт перед засїєвом зерна. Надає ся на ґрунты, котры мают в собі вапна. На ґрунт мокрый же надає ся. По высїяню потреба его прикрити земльом.

Супертomasына азотнякова ест фабричном мішанином азотняка и супертomasыны. Надає ся на ґрунт, котрый потребує фосфора и азота. Даеме ю перед засїєвом рєстин и прикрываме земльом. Заступат она азотняк и супертomasыну, купованы отдїльно.

Супертomasына высоко и нормально-процентна дїєтує лучше от тomasыны (жужлей). Отквашат ґрунт и надає ся на вшиткы роды землі. Сїєме ю перед засїєвом рєстин. Супертomasыну можна мішати с азотняком и разом сїяти, але не можна ю мішати ани с салітраком ани с сірчаном амоневым.

Навозы штучны переховує ся в сухых помещєнях на деревляных дылях, выстєдєных соломом.

Навозы азотны с регулы не мішат ся с собом и высїват ся каждый отдїльно. С навозами потасовыми можна их мішати лем перед самым высїєвом в поли.

При мішаню навозов азотных и фосфоровых треба памятати, же:

1) азотняк и супертomasыну можна змішаны дєжати долший час.

2) сірчан амоневый и салітрак не можна мішати с супертomasыном.

3) салітра вапєнна може быти змішана с супертomasыном лем перед самым высїєвом в поли.

В практыці однак рїдко заходит потреба мішати тоты навозы.

### Спит уж 24 роны.

Анна Сваєполь, жителька Лихтенбурга спит от 24 літ. Має она тепєр 45 літ.

Нєщастна заснула, маючи 21. літ на ієть, жєз ей жених умєр от пєстріла. Анна втотчас крикнула и упала на землю. От того часу, то ест от сєрпня 1910 року спит.

Приблизительно раз на пєховину року будит ся на короткый час, але гварит не до рїчи. Лікары удєржуют ю при шитє штучным

кормленєм. Помимо того выгядат она як скєлет.

Раз в 1928. р. сіла она на євєзї постелї и начала бесїєдовати совсем розумно. Урадована родина окужила ю, а закликаний лікар заявил, же еєт можливе пєлне выздорєженє. Анна слухала оповідань рєдины, довідала ся о великой євєтовой войні, котру она перєспала и о рїжних откритях, якы пєрєбєлено. Коли уж познакомила ся с чудачным євєтом аєропланов, радия, телефонов, газав и т. д. заснула на ново и спит до тепєр.

### Нужда в Японии.

В послїдство елементарных бїд, якы навїдїли Японию, ест там така нужда и бїда, же сєляне продают масово дївчата.

По информации писем, в префектурі Асита місєвєх сєляне продали перєшло 30 тысяч дївчат в віку от 16 до 23 літ. С числа того 17 тысяч дївчат продано рїжным фабрыкам, а 13 тысяч каварням. Ціны дївчат хвїют ся в зависимости от красы и здорєвля от 10 до 1000 єн.

## Приїзд швайцарского Дыректора Департамента Ветерынарии Д-ра Фликигера до Польщі.

Дня 12. т. м. приіхал до Кракова швайцарский дыректор департамента ветерынарии Д-р Фликигер в товаристві правного дорадци. Его повитали на жел. дор. дворци в Кракові начальник выдїла ветерынарии Министерства Рольництва и Рєформ Рєдных Д-р Вальтер и инспектор ветерынарии вєвєдєного уряда Д-р Смєлинский.

Д-р Фликигер приіхал до Польщі, штобы запознати ся со станом годовлі конєй в Польщі и євєтуально закупити раментовы конї для швайцарской армии.

## В Варшаві подписано торговельный договор польско-румынский.

В минувшем тыждні бавил в Варшаві румынский министр торговлі и промысла Мануєску.

В часі его побыта подписано в Варшаві договор, котрый регуєтє выміну товаров медже Польщом и Румыниом на рок 1935. В договорі том сут поданы условия, на яких має наступати выміна товаров и их заплата.

**Остерегаєме** наших читатєлєй, што лєм з нашой фирмі можна купити правдавы, черны, автоматичны бравнингы, усуваючы по стрїлі гильзу. Бравнингы опатєнтованы фабр. знаком «Strzala». Всякы инши розрєкламованы бравнингы автоматично гильз не усувают, они остают в люфі револьєра, откаль треба их усувати при помочи гвоздя.

**ЧУДО ТЕХНИКЫ — АВТОМАТ** стрїлат до ціли металовыми кулями або дробю до птахов. Оксыдований, плоскый, гварантуєчий особисту безпеку. Стрїл громовый. Ціна лєм 7-95 зл. 2 шт. — 13-90 зл. 10-то стрїльняй — 21-75 зл. Стр. куляк 3-65 зл. Люфочистку додаєме даром. Высылаєме за послїплатом. Кошты несе выписуючий.

Адресовати: Centralne Przedstaw. na całą Polskę i za m. Gdansk «Strzala» Warszawa, Żelaznokoła 12, oddz. 6.



## Польша не платит долга Америкі.

В половині того місяця припадат термин платности рат долгов военных, які сут должны многы европейскы державы Сполученым Станам Америки Полночной. В грудні 1932 року державы европейскы повідомили своего американского кредитора, же не сут в стані платити дальше своих военных долгов в назначеной высоті и пропонуют ревизию цілої справы военных долгов. Сполучены Станы отвітили, же жадных уступок робити не будут. Должники от того часу перестали платити.

Став такий вст до тепер. Тепер припадающей раты не заплачено, о чом повідомленс Сполучены Станы.

Для ориентации, як великы сумы входят в гру, выстарчит подати, же сума долга Англии, Франции, Италии, Польщи и дакотрых менших держав выносит без залеглых рат и процентов понад 60 миллиардов злотых.

## Привалило 400 дітей.

Дня 12. грудня в Ливерпуль (Англия) завалила ея в школі подлога и перешло 400 дітей упало с высоты понад 12 км. Перешло 300 дітей потолкло ся барз сильно и отвезено их до шпиталю.

Перед шкелом мали місце розриваючи сердца сцены. Матери с плачем переходили кордон полициї, штобы спасати свои діти. В спасательной акции брали участь стражакы и полиция. До перевоза дітей до шпиталю зарекировано вшиткы автомобилі, які были в місті.

## Чистка в комунистичной Партии.

### Устраняют сторонников Зиновиева и Троцкого.

Контрольная комиссия партийных организации в Днепропетровску выключила многых комунистов с партии. Сут то сторонники Зиновиева и Троцкого. Вшиткых выключеных с партии арестовано. В области самарской засуджено на смерть двоих террористов, оскарженых о убийство членов союза комунистичной молодежи. „Известия“ атакуют с обуренем группу Зиновиева и твердят, што тота група выродила ся в организацию фашистовску, котру належит згнести за всяку ціну.

Помимо того гнета партия контрреволюционеров продолжат свою діяльність. Особенно в полудневых округах России террористичны акты принали характер масового явления. Недавно в Дегестані напали на служащих наркомфина и убили инспектора. В одеском окрузі убито председателя сельсовета в Красном. Агенты Г.П.У. котры хотят найти убийц, достали анонимны писма, жебы не занадто старанно гладыли, бо вначе грозит им смерть.

С того видно, же в советской России ніт спокою и иде завзята борба медже Зиновиевым и Сталином.

## Абисиния жадат выцощаня италиянских войск.

Генеральный секретар Лиги Народов достал от абисинского правительства ноту, в котрой Абисиния жадат усуненя войск италиянских с границы абисинской. Абисиния подае, же Уалуал, на котрый напали етиопчики лежит на абисинской землі и был безправно занятый италиянскими войсками. Крім того италиянскы аероплаты с бомбами бомбардовали цілий ряд абисинских сел и місточок. Тоты дві справы повинна рішити Лига Народов.

## Волкы в овочой скорі.

Недавно, бо в місяци жолтню минуло 3 роки от часу смерти нестжалованого и любленого всіма нами бл. п. О. Корнила Копыстанского. Три роки минуло от того часу, коли то наш Отец духовный, наш пастыр по 45-літном труди попрацал наше село на вікы.

Добрим Он был не лем яко священник в церкви, але также поза церковом, в приватном житю. Любили Его тому вшиткы в Зиндранові и Барвинку и поважали. Выраз той любви дали зиндрановяне и барвинчане на Его похоронах, коли то ціла церковь заносила ся плачем. И днеска, по трох роках, коли пригадаме собі Его, у неодного ище заїде слеза на оже.

По смерти бл. п. О. Копыстанского достали мы молодого священника, котрый пише ся Кабаровский. Он початково сподобал ся людям, бо казаня бесідовал красны, так до сердца догварял, же нераз аж люди поплакали, часами, жебы мы его ліпше розуміли, гварил до нас по нашому, по лемковскы, гварил, же мы вшиткы руснакы, же маме одну Святу Русь. С людьми обходил ся также добре, с каждым забесідовал, порадил, писал людям просьбы до Суда и Староства, за погребы и шлюбы брал мато, а як треба было, то и почекал.

Прото мы его любили и коли епископ хотил его перенести, мы вшиткы подписали просьбу, жебы ле епископ у нас сохабил, бо як ні, то перейдеме на православие. Тото помогло и О. Кабаровский сохабил ся у нас. Егомость барз нам за тото дяковав, же мы за ним обстали и был все для нас добрый. Так само обходил ся з нами его швагер Заяц, радил людям, як орати, сіяти, коло пчол ходити и т. д. Вшитке было шумні и ладні.

Аж недавно, бо перед килькома місяцами, уважаючи, же грунт ест уж добре приготовлений, бо люди их обох радо мают, почали они будоваги Украину. Егомость видил, же тото не даст ся зробити в Зиндранові, где сидит забитый кацап-учитель Байко, где ест руский кооператив и где, як высказал ся егомость, сут люди дурны и шмарил ся до Барвинка и там начал свою роботу. Ту приставал он с паробками, бесідовал с ними гарді, заложил хор, запрашал до своих комнат на обіды и так позволи цыгаретком и красным словом при помочи Заяца и Вархашка, почал загваряти с Украині, роздавати украинскы газеты и поддавали назву „украинець“, бо то ліпше, бо тепер вшиткы ся так называють. Поробкы, як наробкы початково кус ся с того сміяли, але потом заложили „Луг“, а тепер барут ся до будовы читальні „Просвіты“ и так позволи тоты, котры уважали за святу назву Русь, тепер называють ся украинцами.

Он приходят тепер до церкви в Зиндранові на хор с попричинаныма сино-жолтыма кокардками и там иныбы то співають. Але мы не барз видиме, жебы співалл, вѣце они сміют ся до дівчат и розмовляють в церкви, — а егомость добрый не пригвозит им, бо вначе сохабил бы его и „неньку Украинку“. Так тепер у нас егомость позволят на тото в місци посвяченем молитві и Господу Богу, ту, где за пок. О. Копыстанского не можна было зашептати.

Коди порушено о том оскорбляню звытого мієца через О. Кабаровского в газетах, начал он сміяти, сміяти ся, кричати на казанях, што он такий добрый, а его зиндрановский учитель подае до газет, коп он каждого дне пацеры гварит. Помылил ся однак О. Кабаровский, бо то попали его до газет старши, честны гвардове зиндрановскы, котры памятают, як то давно люди побожно молили ся в перкви и котры видят, же тепер перкви уживат ся для политыкы. Але егомость, не таки стезка до гороху, мч зиндрановяне не лама ся дурити, бо мы знаме добре, што то сут украинцы. Мы через них сіпили в Талергофі, нас и чысячи других невинно мучено и вішано на прилопожных вербах, лем за тото, же мы дорожили своим святым именем Руси.

Вы нас егомость дайте собі спокой с том Украинном, пильнуйте ліпше церкви. Во як яачнѣте свою политыку дальше вести, то знайте, же так як колиси мы за вами писали до епископа, жебы вас у нас сохабил, так тепер вас напишете, жебы вас собі забрал на „широку Украину“, бо ту руска земля, наша Лемковщина. Заяцу тыж гварте, най по селі не ходит, жебы ся за ним псы не пустили и го не оскубали. Так само не мішайте ся до наших газет, які мы читае. Не выймуите людям газет с кышені (Лемка) и не пиште сами на нем: „не прийму“, бо знате, же як так дальше буде, то мы вам также повіе: „не приймуе“ и вышлеме фуру под клебанию, котра вас и Заяца за дармо отвезе. Нам потреба егомости, котрый был бы пастыром душ, голосителем науки Христа, а не ширителем гніва, злобы и ненависти. С такими священниками проч! Маме надію, што теперешный Владыка приверне отцовскы, патриархальны отношеня в церквах на Лемковщині!

Зиндровчан,

### БЕЗПЛАТНО ЧИТАТЕЛЯМ «ЛЕМКО»!

Позволь мені бесплатно определити Твой характер способности, судьбу и привести наиболее важные факты Твоей жизни. Определити, кто Ты и кым Ты можеш быти. Крім того, выбрати Тебѣ на основаню астрологичных и кабалистичных исчислений, Твой счастливый номер в текучой Государственной Лотерии и указати, где Ты его можеш купити. Напиши мені Твое назвиско, имя, рок и місяц рожденя. Прими во внимане, што я человек науки, долголітний редактор распроетраненного журнала «Swit» (тайне знане), автор многых научных трудов, Не присылай никакого вынагородженя. На почтовы и канцелярийны расходи по высылкѣ гороскопа приложи 1 злотый почтовыми марками.

На билет № 1226727 выбранный мной пала выграна 150,000 зл. На невелике количество выбранных мною номеров пало множество выгранных, но по недостатку місца перечисляю только дакотры из них: Józef Cabała, Limanowa, urzędnik Rafinerji 10,000 zł., E. Zausznica, Bank Rzemiesników, Włocławek, 3-go maja 7, 5000 zł., Frychel Wilhelm, Katowice i Brunów, Wodospady 3, 5000 zł., Akciuszycówna Helena, poczta Holubicze i Łomnicki Podhaje 5000 zł. Лично принимаю цілы день Warszawa, Redakcja «Swit», Zórawia 47. Психолог Шиллер-Шнольник. — Объявлено вырзати и приложити (Vita)

## Што чути в світі.

**ВИБРАНО КОМИТЕТ** зложений с поляков и венгров для оговореня sprawy выныны товаров медже Польщом и Венгриом.

Медже Львовом и Одесом буде без посередна желізнодорожна комуникация. Переговоры в той справі уж укончены. В будущности має іздити поїзд луччий Одесу со Львовом, Варшавом, Прагом и Відньом. В той справі має быти скликана конференция заинтересованых держав.

В **Испани** е стане 7347 людей перед воєнным судом, котры сут оскаржены о участь в руху революційной в Астурии.

С **Картуз Березы** освобождено килькоро люда, членов развязаной партии «Обоза Народно-Радикального».

**Министер Бек** выхал сжемом на короткый урляп за границу.

**Дымисия югославского** правительства. Министры Коич и Ефтич подали ся до дымисии. Тото выкликало дымисию цілого кабинета. Кабинет Узуновича буде полагаджати діла аж до часу вывора нового правительства.

В **Триесті** спущено на воду новый польскый корабель трансокеаничный «Маршалок Пилсудскый». Делегация польска, котра приїхала до Триеста, была повитана представителями городских властей.

До **Крыниці** и до **Верехты** маюч приїхати на заводы мартиарскы дружины с рїжних держав. Медже нима буде по раз перший также дружина совітска.

В **Парижі** оскаржено 34 люда е шпїонство. Во главі той организации стояли американцы Свїц.

В **Амерыці** выроблено плян работ на 25 літ. Роботы тоты маюч дати zatrudненє безработным и маюч коштовати 105 миллиардов долларов.

В **Пекині** коммунисты отрубали головы кильком американским миссионерам и тіла их шмарено непогребаны на поли. Коммунисты заявили, же ест те перший крок в цілі выніщення всїх чужих.

**Виновники марсельского** убийства станут перед судом в марті. Будут судати Мального Бенеша и Новака о участь в убийстві.

В **Амерыці** в Стані Теннес мурина зрестовано за напасть молодой білой дівчины. Толпа людей хотїла мурина злиничовати (роздерти), але полиция не допустила до того. Толпа на другый день повторила атаку, перервала кордон полиции, подпала суд нафтом и подпала. Пожарной сторожі не позволила гасити огня и цілий суд спалил ся: Губернатор спровадил 500 вояков, але положенє не ест опановане и ест обава, же дойде до погрома муринов.

**Парагвай**, котрый провадит войну с Боливіо: (Амерыка Полуднева) дастал с Лигы Народов порученє перестати дальшой войны. Парагвай отвітїл, же не може выполнити того порученя. Лига Народов нашла ся в клопоті.

На **границі Переко-Афганистанской** (Азия) афганистанцы ударили на Персию, зрабовали 25 сел, взяли в неволю 2000 селян-персов и убили 3 жандармов.

**Страшна катастрофа** в **Заверцію**. Два ганкы, на котрых стояки люда, оборвали ся и упали на улицу, котром переходили люда. Килькадцетеро люда ест раненых а 8-меро тяжко-потурбованых отвезено до шпитала.

В **Польщі** ест 72.000 емерытов, то значит люда старших, котры уж не робят службы, а берут пенсию.

В **Италии** ест страшна злива. Тысячи гектаров землі лежат заляны, міста и села стоят в воді, а ту ліс и ліс.

**Франция** заключила с Совітами воєнный договор на 5 літ, котрый може быти продолжений. Договор тот ест заключеный против Германии и Японии. В разі войны Японии с Совітами, має Франция помагати Совітам а в разі войны Франции с Німеччином має дати помоч Росия.

### Пытания и отвіты

Што то ест: Не птах и не звіря  
має чотыри рогы и піре?—подушка.

Священник. Где находил ся Мойсей, як темнота  
обняла цілий Египет?

Ученник: В темноті;

Найглупша медже птаками ест кура.

Та чом?

Бо несе ся втотчас, як яйца найдешевши.

Под якым деревом крыє ся заяц, як дощ ліє?

Под мокрым.

## ОГОЛОШЕНЄ.

В селі Ропкы пів. горлицкого, в домі г-на Проката Дурляка отбуде ся днѣ **29. грудня т. р.** о год. 2. по полудни **Загальне Собранє** членов Читальні им. М. Качковского. Предметом нарад буде:

- 1) Отчитанє протокола с послідного обраня.
- 2) Доклад о діяльности и касовый за прешлый рок.
- 3) Будова читальняного дома.
- 4) Выбор нового Выділа.
- 5) Внесеня членов.

Василь Деша  
предсідатель.

Днѣ 30. грудня т. р. отбуде ся рочне **Загальне Собранє** членов читальні им. М. Качковского в **Смерновци** во власном домі.

- Програма: 1) Отчитанє протокола послідного собраня.  
2) Доклад о діяльности за прешлый рок.  
3) Выбор нового выділа.  
4) Внесеня членов.

Выділ Читальні.

### Комунальна Каса Осмадности в Крыниці

принимат вклады и платит високий процент. Уділят также пожичок на добрых условиях!

## Оголошенє

Редакция просит замовляти уж калєндары на 1935 р. Калєндар великий о 160 см. Найдете там дуже интересного материяла. Коштує с пересылком 50 грошей. Выслыламе лем за готовы гроши.

Принимат ся пренумерату на **одыноный** рускый юморостычяц-сатырычный журнал

## „ЛУКОШКО“

на мієце „СТРАХОПУДА“

выходячий зошитами великого формата с барвными иллюстрациями и карикатурами.

„ЛУКОШКО“ — найдешевший журнал в Польщі.

Пренумерата за два місяцы в Польщі с пересылкой выносит 1 зл.

Адрес: в Польщі пренумерату принимат P. JURJEW, Warszawa, Podwale 17. m. 24. „Lukoszko“.

Звертат ся увагу, што бесплатных пробных номеров не высылає ся, бо журнал выдає ся на власны средства.

## Найлїпши условия асекураційны

дає

Асек. Товариство  
**ВИТА-КРАКОВСКЕ**  
во Львові.



Оно спомагат также наши товариства.  
Информации уділят редакция „Лемко“.